



乾隆鎮江府志(一)



(清) (清)

高得貴
張九徵等纂
朱霖等增纂



本書五十五卷首一卷，據清乾隆
十五年（一七五〇）增刻本影印。

重修鎮江府志序

今上御極之十一年允輔臣
請

詔天下直省府州縣咸修
輯志書於是直省有司

張序

各設館餼集高才生以
從事鎮江府舊有志已
歷八十年則增續而重
修之凡若干卷徵惟先
王省方設教列國貢其

風詩所以別貞淫稽奢

儉察淑慝備法戒然後
施之政令以移風易俗
協於大中夫子之作春
秋亦先徵國語志書者

張序

二

猶之風詩國語也若今
日鎮江府志之修又有
不盡於是者以天下之
大勢言之盡域中南北
之廣而大江介乎其中

限天下之南北者大江
也江發源於西蜀之岷
山東流萬里而注於海
大江又極乎天下之東
西也鎮江當大江南北

張序

三

之衝而東際江流入海
之盡境其地控天下之
樞爲第一阨塞關係治
亂之大勢視他郡爲獨
重攷之於古孫吳時始

置京城號京口晉稱北
府唐改潤州是後遞有
沿革然皆方隅外蔽列
郡偏帥而已未嘗以天
下之全力注之我

張序

四

國家混一區夏烟火萬里
盡撤前代西北諸邊之
備邇歲上流海徼伏莽
未靖惟此江海之交設
連帥羅禁兵嚴斥堠歸

然重鎮甲於天下自古以來未有建置若斯之專且重者也地既控天下之樞又處今日極重之勢居此地者其亦探安危之原攷得失之本審形勢之實而推詳乎風俗人才消長升降之故山川猶是城郭猶是六代而降何以強何以

天子覽之憬然厯東南顧之懷而益進以在德不在弱何以堅何以脆儲備何以無虞設施何以善後求其有關天下之大計者以裨久安長治之道則握管而爲之志豈直區區列邱壑土木之名矜物產生植之目而已乎志成且上之於朝

險之旨則衣袵塞繻戒
於平日而江海之備不
恃甲兵以斯爲考風俗
而施政令其義不更大
歟至於官師之功在斯

張序

七

土紳士之望足具瞻百
世而下猶相俎豆卽閭
閻田畯一言一行有當
於道莫不披其姓字稱
說不衰苟非然者崇階

廡仕同於腐草甚或指
摘詈厲子孫羞以爲高
曾則志書又後學之金
鏡錄也其凜凜乎頑廉
懦立哉舊志修於正德

張序

八

六年主之者爲楊邃菴
少師再修於萬厯之二
十二年主之者爲王方
麓總憲今太守高公以
命徵徵郡人也無足爲

郡重然昔備輜軒之役
諮諏四方凡所見聞有
關天下之故者莫不芻
採而書之於策以庀史
館其可當吾郡而忽之

張序

九

是志之成將以攷求經
世之學而不欲徒視爲
一郡掌故之書也是以
不敢以不敏辭而謹述
其旨於篇首云

康熙十四年乙卯春仲郡
人張九徵公選甫謨



張序

十

重修鎮江府志序

從來千古著撰以作
史爲難郡志史之分
見者也鎮江志不修

孫序

者凡數十餘年人往
事湮考求匪易以歲
壬子

天子俞輔臣請命各省分

纂郡邑志類呈史館

彙爲一統志用昭一

代同文之盛前太守

高公於是設局萬歲

孫序

樓延請鄉先生及郡

中名士矻矻搜校不

遺餘力有條有理裒

萃而爲是書今太守

劉公涖潤踵成盛典

郡志蔚然告竣

謀

以

佐郡亦從兩公後得

與厥事竊於成帙後

孫序

三

亟取誦之見其廣徵

博取彙爲巨觀昭勸

懲寓法戒窮經史之

源流羅古今之事蹟

發皇忠孝闡著幽潛

令讀者可感可勸下

至詮註山水箋疏禽

魚亦莫不援據詳贍

孫序

四

足以爲閱覽博物之

助况鎮江之爲郡襟

江帶海爲建業藩垣

三吳門戶自歷代以

來稱爲控扼要地

聖天子睿慮方殷南顧日

厘桑土綢繆南徐北
府之間城內外兩設

孫序

五

重鎮旆纛相望而是
編中於自古戰守兵
食形勢險阻之故三
致意焉他日進之於

石渠天祿之間以上

獻

宸覽或可以借備前籌又
不僅資後世之興觀

孫序

六

助文人之博雅已也
昔人云思報國恩獨
有文章幸生

當今右文之代載筆編

摩各展稽古之力是
亦所以云報也夫

康熙十四年歲乙卯四

月之吉

孫序

七

奉政大夫鎮江府同
知三韓孫汝謀謨



重修鎮江府志序

鎮江府自有明正德

以來重修者三其間

敘封域形勝井畝戶

高序

一

廛以及山川之壯麗

人文之蔚起忠孝貞

烈之大節草木禽魚

之細類前人述之備

矣龍光奉

簡命承乏茲土歲癸亥

天子允輔臣

詔天下直省府州縣咸

高序

二

修輯志書彙爲一統

志是時鄉先生郡名

賢咸珥筆從事焉龍

光愧不文不敢掠前

人之美而襲其說思

以樹千秋得失之林

著將來法戒之規敢

弁一言今夫志也者

高序

三

猶夫人之志也不徒

旣其文也明矣故曰

以意逆志是爲得之

使其事不期與天壤

並垂焉用志使其人
不思與日月爭光焉
用志假使俯仰于宇
宙品類之間徒視爲

陳迹覽城郭人民古
今興廢忽然不加喜
戚于其心讀忠臣孝
子貞婦烈女之辭徒

遜媿而未遑下及飛
潛動植途歌巷詠不
能感發其志氣即使
累集舊章汗牛充棟

不過視爲故紙何志
之足云故曰有傳人
無傳政卽一邱一壑
遇其人則傳否則清

湍修竹蕪沒于空山
而已今試躡金山登
北固壯哉山河何以
强弱異其勢履井畝
計財賦咄嗟軍實何
以盈縮殊其籌南徐
壁壘北府雲屯禁兵
斥堠何以永奠于磐

石閭閻之林總市肆
之熙穰何以勞來而
安堵津梁賈客樓櫓
輳泊望長江之浩淼
集四海之梯航何以
柔遠而招徠至若洋
洋大觀著爲文章何
以磅礴之氣塞乎天

地清淑強固蔚爲忠

貞何以轟烈之風照

耀汗青天者喬者潛

者泳者作者息者何

高序

八

以得優游咸若于光

天化日之下稽覽之

餘比類而觀皆足以

觸目警心此志也夫

志成恭遇

聖駕巡幸警蹕所至在潤

州獨詳覽其山川勝

槩民俗風土咸嘖嘖

高序

九

稱善其封疆德險之

輕重政治休養之要

圖固已日厯厯于

宸衷矣他日貢之輜軒登

之祿閣于以仰慰

聖懷永為不朽成書此

龍

光

之志也夫若夫撫

實剗劓之言流連光

高序

十

景之語則

龍光

謝不

敏

峕

康熙二十四年歲在乙

丑春王之吉

賜進士出身中憲大夫

特簡知鎮江府事


特簡山西提調通省學

高序

士

政按察使司副使閩

山紫虹氏高龍光撰



序

郡有志由來舊矣顧
閱世生人閱人成世
沿流事蹟幾許變遷
要非脩焉不備鎮江

朱序

一

名勝地也府志自有
明武宗時一脩於楊
文襄公神宗時再脩
於王恭簡公亦閱我
朝多歷年所康熙十二

年

聖祖仁皇帝命各省會下檄

郡邑脩志以彰同文
之化時郡守三韓高
崇吾率作興事幾歷

朱序

二

寒暑至康熙二十四
年郡守閩山高紫虹
方省乃成蓋脩之若
斯之難也由紫虹而
來至於今六十五年